

ქალაქ თბილისი მუნიციპალიტეტის საკრებულოს
იურიდიულ საკითხთა და ადამიანის უფლებათა დაცვის კომისიის
სხდომის ოქმი
N45

2024 წელი; 16 იანვარი 13:30 სთ;

ქ. თბილისი
თავისუფლების მოედანი N2

სხდომას ესწრებოდნენ:

იურიდიულ საკითხთა და ადამიანის უფლებათა დაცვის კომისიის წევრები:

ლევან ჟორჟოლიანი (თავმჯდომარე)

ზურაბ აბაშიძე

ავთანდილ ცინცაძე

არჩილ გორდულაძე

აკაკი ალადაშვილი

ნინო რუხაძე

კახაბერ ლაბუჩიძე

დავით ფარცვანია

სხდომის თავმჯდომარე:

ლევან ჟორჟოლიანი

იურიდიულ საკითხთა და ადამიანის უფლებათა დაცვის
კომისიის თავმჯდომარე

დღის წესრიგი

1. ქ. თბილისის მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტების შესახებ საკითხი.

სხდომის თავმჯდომარემ სხდომა გახსნილად გამოაცხადა და დამსწრე წევრებს დასამტკიცებლად წარუდგინა იურიდიულ საკითხთა და ადამიანის უფლებათა დაცვის კომისიის სხდომის დღის წესრიგის პროექტი.

იურიდიულ საკითხთა და ადამიანის უფლებათა დაცვის კომისიის მიერ ერთხმად იქნა დამტკიცებული სხდომის დღის წესრიგი.

მოისმინეს:

1. იურიდიულ საკითხთა და ადამიანის უფლებათა დაცვის კომისიის თავმჯდომარემ ლევან ჟორჟოლიანმა კომისიის სხდომაზე დამსწრე წევრებს გააცნო იურიდიულ საკითხთა და ადამიანის უფლებათა დაცვის კომისიის სხდომის დღის წესრიგით გათვალისწინებული ქალაქ თბილისის მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტების შესახებ საკითხი.

როგორც მომხსენებელმა აღნიშნა, 2023 წლის 27 დეკემბერს, ქალაქ თბილისის მუნიციპალიტეტის საკრებულოს თავმჯდომარეს წერილობით მიმართა ამავე საკრებულოს წევრმა ანა გოგოლაძემ, რომლითაც განაცხადა, რომ 2024 წლის 1-ლი იანვრიდან ტოვებს ფრაქციის "ერთიანი ნაციონალური მოძრაობა" შემადგენლობას, ასევე, 2023 წლის 29 დეკემბერს, ქალაქ თბილისის მუნიციპალიტეტის საკრებულოს თავმჯდომარეს წერილობით მიმართა ამავე საკრებულოს წევრმა მამუკა გუგუშვილმა და აცნობა, რომ 2024 წლის 1-ლი იანვრიდან ტოვებს ფრაქციის "ერთიანი ნაციონალური მოძრაობა" შემადგენლობას, აგრეთვე, საკრებულოს წევრმა თორნიკე ბიკაშვილმა 2023 წლის 28 დეკემბერს წარმოადგინა წერილობითი განცხადება 2024 წლის 1-ლი იანვრიდან ფრაქციის "ერთიანი ნაციონალური მოძრაობა" შემადგენლობის დატოვების შესახებ.

ლევან ჟორჟოლიანმა კომისიის წევრებს ასევე მიაწოდა ინფორმაცია, რომ მ/წლის 9 იანვარს ქალაქ თბილისის მუნიციპალიტეტის საკრებულოს თავმჯდომარეს და იურიდიულ საკითხთა და ადამიანის უფლებათა დაცვის კომისიას წერილობით მიმართა ფრაქციის "ერთიანი ნაციონალური მოძრაობის" თავმჯდომარემ ირაკლი ნადირაძემ, აღნიშნულ წერილობით დოკუმენტს კი თან ერთვოდა ფრაქციის მ/წლის 9 იანვრის სხდომის ოქმი, რომლის თანახმადაც, ფრაქციის შემადგენლობა დატოვებს: მამუკა გუგუშვილმა, ანა გოგოლაძემ და თორნიკე ბიკაშვილმა.

მომხსენებლის განმარტებით, საკრებულოს ფრაქციის "ერთიანი ნაციონალური მოძრაობის" შემადგენლობის ცვლილება გავლენას ახდენს ფრაქციის პროპორციულ წარმომადგენლობაზე, ვინაიდან, მცირდება აღნიშნული ფრაქციის წევრთა რაოდენობა და შესაბამისად, იზრდება საკრებულოს იმ წევრების რაოდენობა, რომლებიც გაწევრიანებულნი არ არიან არცერთ ფრაქციაში, აღნიშნულიდან გამომდინარე, ქალაქ თბილისის მუნიციპალიტეტის საკრებულოს იურიდიულ საკითხთა და ადამიანის უფლებათა დაცვის კომისია განსაზღვრავს პროპორციული წარმომადგენლობის ახალ კვოტებს, რომლის მიხედვითაც, ფრაქციას „ერთიანი ნაციონალური მოძრაობა“ საკრებულოს თითოეულ კომისიაში შესაძლებელი ექნება წარადგინოს - 2 წევრი, ნაცვლად - 3 წევრისა, ხოლო, საკრებულოს იმ წევრებს, რომლებიც გაწევრიანებულნი არ არიან არცერთ ფრაქციაში, თითოეულ კომისიაში წევრის წარსადგენად განესაზღვრებათ 2 (ორი) კვოტა, ნაცვლად - 1 (ერთი) კვოტისა.

მომხსენების ფარგლებში, ლევან ჟორჟოლიანმა ასევე ისაუბრა საკითხთან დაკავშირებული საქართველოს ორგანული კანონით „ადგილობრივი თვითმმართველობის კოდექსი“ და „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1

დადგენილებით დამტკიცებული რეგლამენტით განსაზღვრული პროცედურული საკითხების თაობაზე და განმარტა შემდეგი:

✓ საქართველოს ორგანული კანონის „ადგილობრივი თვითმმართველობის კოდექსის“ 28-ე მუხლის მე-2 პუნქტის თანახმად, მუნიციპალიტეტის საკრებულოს კომისიის შემადგენლობა განსაზღვრება მუნიციპალიტეტის საკრებულოს ფრაქციათა წარმომადგენლობისა და მუნიციპალიტეტის საკრებულოს იმ წევრთა რაოდენობის პროპორციულად, რომლებიც გაერთიანებული არ არიან არცერთ ფრაქციაში. მუნიციპალიტეტის საკრებულოს კომისიის წევრთა რაოდენობასა და პროპორციული წარმომადგენლობის კვოტებს განსაზღვრავს მუნიციპალიტეტის საკრებულოს იურიდიულ საკითხთა კომისია ან შესაბამისი კომპეტენციის მქონე კომისია მუნიციპალიტეტის საკრებულოს რეგლამენტით დადგენილი წესით და ამტკიცებს მუნიციპალიტეტის საკრებულოს ბიურო;

✓ ზემოაღნიშნული მუხლის 2¹ პუნქტის მიხედვით ამ მუხლის მე-2 პუნქტით გათვალისწინებულ შემთხვევებში მუნიციპალიტეტის საკრებულოს ბიუროს (მუნიციპალიტეტის საკრებულოს) მიერ მუნიციპალიტეტის საკრებულოს კომისიებში მუნიციპალიტეტის საკრებულოს ფრაქციათა პროპორციული წარმომადგენლობის კვოტების დამტკიცებიდან 3 დღის ვადაში ფრაქცია თავისი გადაწყვეტილებით წარადგენს კომისიაში წევრებს, ხოლო, ასევე ამავე მუხლის 2² პუნქტის თანახმად, მუნიციპალიტეტის საკრებულოს კომისიაში წევრის წარდგენის შესახებ მუნიციპალიტეტის საკრებულოს ფრაქციის გადაწყვეტილება ეცნობება მუნიციპალიტეტის საკრებულოს იურიდიულ საკითხთა კომისიას ან შესაბამისი კომპეტენციის მქონე კომისიას (მუნიციპალიტეტის საკრებულოს) და მუნიციპალიტეტის საკრებულოს ბიუროს. იურიდიულ საკითხთა კომისია ან შესაბამისი კომპეტენციის მქონე კომისია (მუნიციპალიტეტის საკრებულო) ამოწმებს ფრაქციის მიერ კომისიაში წევრის წარდგენის სისწორეს და საჭიროების შემთხვევაში ახდენს სათანადო რეაგირებას. ფრაქციის მიერ კომისიაში წარდგენილი წევრი კომისიაში დანიშნულად მიიჩნევა აღნიშნული ფაქტის მუნიციპალიტეტის საკრებულოს ბიუროს (მუნიციპალიტეტის საკრებულოს) მიერ ცნობად მიღების მომენტიდან. მუნიციპალიტეტის საკრებულოს წევრი, რომელიც გაერთიანებული არ არის არცერთ ფრაქციაში, კომისიის წევრი ხდება ამ პუნქტით დადგენილი წესით, პირადი განცხადების საფუძველზე;

✓ „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული რეგლამენტის (შემდგომში - რეგლამენტი) 36¹ მუხლის მე-3 პუნქტის მიხედვით თუ საკრებულოს ფრაქციის შექმნის, გაუქმების, ფრაქციაში წევრთა შესვლის, ფრაქციიდან წევრთა გასვლის ან გარიცხვის შემთხვევაში ფრაქციაში განხორციელებული ცვლილებები გავლენას ახდენს ფრაქციათა პროპორციულ წარმომადგენლობაზე, საკრებულოს იურიდიულ საკითხთა და ადამიანის უფლებათა დაცვის კომისია განსაზღვრავს პროპორციული წარმომადგენლობის ახალ კვოტებს, ხოლო, ამავე მუხლის მე-5 პუნქტის თანახმად, თუ საკრებულოს ფრაქციას შეუძმირდა პროპორციული წარმომადგენლობის კვოტები, იგი ვალდებულია ხელახლა, ახალი კვოტების შესაბამისად წარადგინოს ფრაქციის წევრები საკრებულოს შესაბამის ორგანოში;

✓ რეგლამენტის 49-ე მუხლის მე-2 პუნქტის 3¹ ქვეპუნქტის თანახმად, ბიურო ამტკიცებს საკრებულოს იურიდიულ საკითხთა და ადამიანის უფლებათა დაცვის კომისიის მიერ განსაზღვრულ და წარდგენილ საკრებულოს კომისიებში პროპორციული წარმომადგენლობის კვოტებს.



აზრი გამოთქვას:

ლევან ჟორჯოლიანის განმარტებით, ვინაიდან იცვლება საკრებულოს კომისიებში პროპორციული წარმომადგენლობის კვოტები, ბიუროს მიერ საკრებულოს კომისიებში პროპორციული წარმომადგენლობის კვოტების დამტკიცების შემდეგ, საქართველოს ორგანული კანონისა „ადგილობრივი თვითმმართველობის კოდექსის“ „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული წესის შესაბამისად, შესაბამისმა ფრაქციებმა და საკრებულს წევრებმა, რომლებიც არ არიან გაერთიანებული საკრებულოს არცერთ ფრაქციაში უნდა უზრუნველყონ საკრებულოს კომისიებში პროპორციული წარმომადგენლობის ახალი კვოტების შესაბამისად ცვლილებების წარმოდგენა უახლოეს სხდომამდე.

გადაწყვიტეს:

იურიდიულ საკითხთა და ადამიანის უფლებათა დაცვის კომისიის სხდომაზე დამსწრე წევრებმა ერთხმად, მიზანშეწონილად მიიჩნიეს, „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებულ რეგლამენტით გათვალისწინებული პროცედურული წესის დაცვის მიზნით, აღნიშნული წესის შესაბამისად, განისაზღვროს ქ. თბილისის მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტები, რაც დანართის სახით, დასამტკიცებლად წარედგინება ქალაქ თბილისის მუნიციპალიტეტის საკრებულოს ბიუროს.

იურიდიულ საკითხთა და ადამიანის უფლებათა დაცვის კომისიის სხდომის დღის წესრიგით გათვალისწინებული საკითხის განხილვის შემდეგ, სხდომის თავმჯდომარემ სხდომა დახურულად გამოაცხადა.

სხდომის თავმჯდომარე

ლევან ჟორჯოლიანი

სხდომის მდივანი

თამთა კაკოიშვილი